



AKCIJA SIPA-e Na osnovu Interpolove potjernice

Ubica iz Beograda uhapšen u Sarajevu

U ugostiteljskom objektu uhvaćen Marko Kurtović (33), osumnjičen za ubistvo Ivana Cvetkovića (26) u Beogradu


Postupajući po međunarodnoj potjernici, pripadnici Državne agencije za istrage i zaštitu (SIPA) u jednom kafiću u Kranjčevićevoj ulici u Sarajevu jučer su oko 13 sati uhapsili Marka Kurtovića (33).

Za njim je potjernicu raspisao Interpol Beograd zbog ubistva Ivana Cvetkovića (26) koje se dogodilo u noći sa 15. na 16. juli prošle godine u Beogradu i teškog ranjavanja dvije osobe.

Lažne isprave


Prema naredbi Tužilaštva BiH i Suda BiH, pretresen je i jedan objekt u Sarajevu, gdje su pronađene krivotvorena lična karta, vozačka dozvola i putna isprava Republike Slovenije. Kako nezvanično saznajemo, te su stvari pronađene u jednom hotelu. Pretresen je i jedan objekt na području Mostara, koji je osumnjičeni, također, koristio.

Nakon kriminalističke obrade u prostorijama SIPA-e, uhapšeni će biti predat Sudu BiH na daljnje pos-



tupanje radi ekstradicije, a protiv njega će Tužilaštvu BiH biti podnesen izvještaj o počinjenom krivičnom djelu krivotvorenje službene isprave.

Podsjećamo, kobne noći ispred ulaza na splav "Blejvoć" u Beogradu radnici osi-



guranja nisu pustili Kurtovića da uđe na splav a da ne prođe kroz metal-detektor paje izbilasvada.

Potom je Kurtović izvadio pištolj i zapucao. Sa dva hica ubio je Cvetkovića, koji je radio na osiguranju, a ranio je njegovog kolegu Marka

Dajčića (26), kao i gosta splava Dušana Dimitrijevića (31).

Sigurnosne kamere

Zatim je pobjegao sa mjesta događaja, ali je identificiran na osnovu snimka sigurnosnih kamera.

Am. KOVAČ